

Pov Npav Yam Tso Siab Lug rau 2026

Paub Txog Yuav Ua Li Cas Yog Tias ICE lossis Cov Neeg Sawv Cev Ntawm Tsoomfwv Tebchaws Tuaj Ntawm Qhov Chaw Pov Npav

Lub 7 Hli 2026

Tsoomfwv Trump kev tswj hwm tsis kam lees tias lawv puas yuav xa cov neeg sawv cev ntawm tsoomfwv tebchaws rov mus rau tom chaw pov npav thaum lub caij nplooj zeeb. Cov neeg xaiv tsa yuav muaj kev txhawj xeeb txog txoj kev hem uas tsis raws cai no. Txoj kev hem no yog ib yam uas yeej nkag siab txog. Txoj kev hem thwv no tsim los ua kom cov neeg Asmeskas uas muaj cai pov npav tsis txhob muaj siab mus pov npav. Tsoomfwv no yeej paub tias cov neeg pov npav muaj hwj chim thiab siv lawv cov cai. Cov neeg pov npav yuav tsum paub tias txoj cai lij choj yeej tuaj lawv tog.

Txoj cai lij choj ntawm tsoomfwv txwv tsis pub cov neeg sawv cev ntawm tsoomfwv tebchaws tuaj mus cuam tshuam nrog txoj kev xaiv tsa. Txoj kev xa tub rog lossis cov neeg sawv cev ntawm tsoomfwv tebchaws uas muaj riam phom tuaj mus rau cov chaw uas muaj kev xaiv tsa yog ib yam txhaum cai raws li tsoomfwv txoj cai lij choj. Thiab cov kev cai lij choj los ntawm tsoomfwv tebchaws thiab lub xeev txwv tsis pub txhua tus, nrog rau cov neeg sawv cev ntawm tsoomfwv tebchaws, hem cov neeg pov npav.

Yog tias tsoomfwv Trump ua raws li qhov kev hem thawj uas tsis raws cai no ces cov neeg pov npav, cov koos haum hauv zej zog, thiab cov thawj coj xaiv tsa tuaj yeem mus hais rau tom tsev hais plaub tau kom tiv thaiv cov neeg xaiv tsa cov cai. Cov tsev hais plaub muaj txheeb txheem los pab sai sai thiab tsis muaj kev cuam tshuam rau kev xaiv tsa, nrog rau kev hem neeg pov npav.

Tsis tas li ntawd, cov neeg pov npav tuaj yeem npaj tau lawv tus kheej raws li yuav tsum paub txog lawv cov cai thiab npaj ib txoj hau kev los mus pov npav. Ntawm no yog yam uas koj ua tau los mus tiv thaiv koj txoj kev pov npav thiab lub suab los ntawm koj lub zej zog yog tias cov neeg sawv cev ntawm tsoomfwv tebchaws tuaj rau ntawm koj qhov chaw pov npav.

Ua Ntej Yuav Pov Npav

Paub Koj Cov Cai.

Nws yog ib yam txhaum cai rau tsoomfwv xa cov neeg sawv cev ntawm tsoomfwv tebchaws uas muaj riam phom tuaj mus rau cov chaw pov npav. Cov neeg pov npav muaj cai mus pov npav yam tsis muaj kev ntshai thiab kev hem. Cov kev cai lij choj los ntawm lub xeev thiab tsoomfwv tebchaws txwv tsis pub xa ICE lossis lwm cov neeg sawv cev ntawm tsoomfwv tebchaws uas muaj riam phom tuaj mus rau cov chaw pov npav. Txoj kev hem neeg pov npav - nrog rau cov nom tswv hauv tsoomfwv tebchaws, hauv lub xeev, thiab hauv zej zog - yog ib yam txhaum cai hauv cov kev cai lij choj ntawm tsoomfwv tebchaws xws li:

- 18 U.S.C. § 592, txwv tsis pub cov nom tswv hauv tsoomfwv tebchaws xa “neeg uas muaj riam phom tuaj mus rau ib qho chaw uas muaj kev xaiv tsa dav dav lossis tshwj xeeb”;
- 18 U.S.C. § 593, txwv tsis pub cov tub rog siv “kev siv zog, kev hem, kev qhia, lossis lwm yam” los mus txwv tsis pub ib tug neeg twg pov npav, thiab cuam tshuam “txhua txoj hau kev nrog ib tug tub ceev xwm xaiv tsa txoj kev ua nws txoj haujlwm”;
- 18 U.S.C. § 594, txwv tsis pub hem lossis yuam ib tug neeg twg “rau lub hom phiaj tias cuam tshuam nrog txoj cai . . . pov npav”; thiab
- 18 U.S.C. § 595, txwv tsis pub cov neeg ua hauj lwm rau tsoomfwv tebchaws siv txoj cai tswjfwv nrog rau kev txais nyiaj los ntawm tsoomfwv tebchaws los cuam tshuam nrog txoj kev xaiv tsa hauv tsoomfwv.

Koj tsis tas yuav paub hais lus, nyeem, lossis sau ntawv Askiv koj thiab li pov npav tau. Qhov Voting Rights Act lav tias koj muaj cai coj ib tug neeg pab lossis neeg txhais lus raws li koj txoj kev xaiv thaum koj yuav pov npav, tsuav yog lawv tsis yog tus neeg uas txais koj ua haujlwm lossis ib tug neeg sawv cev rau lub koos haum ua haujlwm. Tej qho chaw kuj yuav tsum muaj kev pab txhais lus rau ib txhia haiv neeg. Tej qho chaw muaj kev pab txhais lus tshaj qhov uas tsoomfwv hais tias yuav tsum muaj. Tiv tauj lub chaw xaiv tsa nyob ze koj yog tias xav paub ntshaj.

Tej zaum koj yuav tau muab daim npav lossis ntawv qhia txog tus kheej thiab yuav pov npav tau, nyob ntawm seb koj nyob qhov twg.

Npaj ib txoj hau kev los mus pov npav.

Tshawb xyuas seb koj puas tau tso npe pov npav tam sim no. Hu rau tus Election Protection xov tooj hauv qab no lossis nkag mus saib hauv [vote.org](https://www.vote.org) rau kev pab.

Npaj ib txoj hau kev los mus pov npav ntov. Cov neeg pov npav tuaj yeem siv ntau txoj hau kev los mus pov npav:

- **Pov npav ntov.** 47 lub xeev tso cai rau txhua tus neeg tuaj mus pov npav tim ntsej tim muag ua ntej Hnub Xaiv Tsa. Tej zaum yuav tsis coob heev pem cov chaw pov npav thaum lub caij nyooq pov npav ntov xub pib.
- **Siv ntawv pov npav los mus pov npav.** 36 lub xeev tso cai rau txhua tus neeg siv ntawv pov npav los mus pov npav, thiab cov xeev seem tso cai rau ib txhia neeg, xws li cov neeg xiam oob khab lossis cov yuav mus txawv teb chaws rau Hnub Xaiv Tsa, siv. Xa cov ntawv pov npav rov qab rau hauv cov thawv pov npav yog muaj nyob ze koj, pem ib tug thawj koj xaiv tsa qhov chaw, lossis ntawm kev xa ntawv. Tiv tauj lub chaw xaiv tsa nyob ze koj lossis hu rau tus Election Protection xov tooj rau kev pab nug txog ib daim ntawv pov npav.

Pov npav nrog lwm tus. Xav txog txoj kev mus pov npav nrog ib tug neeg uas koj ntseeg siab lossis ib pab pawg uas koj hlub tshua los yog ib co neeg nyob ze koj. Ib tug neeg tsis tas yuav yog ib tug uas twb tso npe pov npav lawm lossis ib tug peji xeev nyob rau teb chaws Asmeskas es thiaj yuav nrog cov neeg pov npav mus tau, tabsis tej zaum cov neeg uas tsis yog peji xeev nyob rau teb chaws Asmeskas yuav tsis xaiv nrog mus. Nco ntsoov tshawb xyuas cov kev txwv ntawm cov kev cai lij choj hauv lub xeev txog kev thawj mus txog cov chaw pov npav; kev thajj duab thiab yeas duab ntawm cov chaw pov npav; thiab muab peev rau kev pov npav, xws li khoom noj lossis khoom plig.

Thaum Mus Pov Npav

Yog koj pom cov neeg sawv cev ntawm tsoomfwv tebchaws nyob ntawm koj qhov chaw pov npav . . .

Hu ceeb toom. Hu tus Election Protection xov tooj es qhia txhua yam txog txoj kev hem neeg pov npav.

Xav txog txoj kev ua tej yam ntiv. Cov neeg pov npav tuaj yeem ceeb toom tau rau cov neeg ua haujlwm xaiv tsa txog cov neeg sawv cev ntawm tsoomfwv tebchaws uas tuaj nyob rau ntawd lossis tiv tauj rau tus thawj koj xaiv tsa uas nyob ze. Nrhiav kev tiv tauj tau ntawm usvotefoundation.org.

Tej zaum cov neeg pov npav yuav xav khaws pov thawj cia txog seb cov neeg sawv cev ntawm tsoomfwv tebchaws ua dab tsis pem cov chaw pov npav. Tej lub xeev tsis pub yeas duab hauv sab hauv lossis nyob ze cov chaw pov npav. Cov neeg pov npav yuav tsum nco tias kev yeas cov neeg sawv cev ntawm tsoomfwv tebchaws li duab yog ib yam uas yuav ua kom teeb meem tshwm sim, thiab lawv yuav tsum xav txog txoj kev tuaj deb deb thajj duab lossis yeas duab. Yog tsis paub tseeb txog txoj cai lossis kev yeas duab yam yuav tsis muaj teeb meem ces cov neeg pov npav xav tau txog txoj kev yeas duab kom hnob lus nkaus xwb, sau ntawv cia, lossis kaw lus piav txog seb yus pom dab tsi. Cov nqe lus hauv qab no yog yam uas muaj nqis rau tus Election Protection xov tooj thiab cov neeg ua haujlwm xaiv tsa:

- ▲ **Ho coob:** Pes tsawg tus neeg sawv cev/tub ceev xwm nyob ntawd?
- ▲ **Ua dab tsi:** Cov neeg sawv cev ua dab tsi? Puas muaj neeg pov npav nyob ntawd?
- ▲ **Qhov chaw:** Cov neeg sawv cev nyob rau qhov twg hauv lossis puag ncig qhov chaw pov npav?
- ▲ **Khaub ncaws:** Muaj cov ntawv zoo li cas lossis dab tsi lo rau ntawm cov neeg sawv cev cov khaub ncaws?
- ▲ **Sij hawm:** Koj pom cov neeg sawv cev rau thaum twg kiag?
- ▲ **Khoom siv:** Cov neeg sawv cev nqa dab tsi nrog lawv? Lawv puas muaj riam phom?

Ceev faj ua ntej yuav qhia tawm seb cov neeg sawv cev tuaj tshwm rau qhov twg, saum huab saum cua thiab. Tej zaum koj yuav tsis paub tseeb tias cov neeg ntawd yog neeg sawv cev ntawm tsoomfwv tebchaws, neeg sawv cev ntawm kev nkag tebchaws, lossis tub ceev xwm hauv zos. Qee thaj tsam yuav kom cov tub ceev xwm hauv zos tuaj nyob rau ntawm cov chaw pov npav lossis tso cai rau lawv tuaj yog tias thov los ntawm cov thawj koj xaiv tsa los yog tuaj pab thaum muaj teeb meem ceev tshwm sim. Cov lus ceeb toom cuav txog neeg sawv cev ntawm tsoomfwv tebchaws lossis ICE nyob ntawm chaw pov npav ua rau kev ntshai tshwm sim thiab ua rau tib neeg tsis xav pov npav.

Yog tias koj raug cov neeg sawv cev hauv tsoomfwv tebchaws lossis tub ceev xwm nres lossis nug koj thaum koj mus pov npav . . .

Nug seb koj mus puas tau. Yog cov neeg sawv cev hais tias “tau,” cov neeg pov npav tuaj yeem mus tau. Feem ntau cov neeg sawv cev ntes tsis tau cov neeg pov npav yam tsis muaj txoj kev xav tseeb tias lawv ua dab tsi txhaum cai lossis, ntawm cov neeg sawv cev ntawm kev nkag tebchaws, tau ua txhaum kev cai lij choj nkag tebchaws. Taug kev mus yam ntsiag to es tsis khiav yuav pab kom cov neeg sawv cev txhob muaj txoj kev xav los nres ib tug neeg pov npav.

Paub tias koj yuav tsum qhia dab tsi. Cov neeg pov npav tuaj yeem siv lawv txoj cai nyob ntsiag to thiab nug rau ib tug kws lij choj, txawm tias lawv twb raug ntes lawm. Cov neeg pov npav tuaj yeem hais kom meej tias, “Kuv xav nyob ntsiag to” lossis “Kuv xav tau ib tug kws lij choj.” Cov neeg pov npav tsis tas yuav teb cov lus nug los ntawm tub ceev xwm lossis cov neeg sawv cev hauv tsoomfwv tebchaws. Lawv tsuas yog yuav tsum qhia lawv lub npe thiab thau daim ID thaum raug nres vim kev tsav tsheb, kev taug kev, thiab qee yam ua txhaum cai hauv lub xeev.

Cov neeg pov npav tsis tas yuav qhib lawv lub xov tooj ntawm tes rau tub ceev xwm yam tsis muaj ntaub ntawv tso cai. Cov neeg pov npav muaj cai tawm tsam kev tshawb nrhiav khoom los ntawm txoj kev hais lus kom meej tias, “Kuv tsis pom zoo rau kev tshawb nrhiav,” tabsis ho tsis cuam tshuam txoj hau kev los tshawb nrhiav thiab. Txawm li cas los tej zaum cov tub ceev xwm yeej yuav muaj cai tshawb nrhiav thiab.

Hu rau tus Election Protection xov tooj, uas muaj hauv ntau hom lus, siv cov lej xov tooj no:

- **Lus Askiv: 1-866-OUR-VOTE**
- **Lus Mev lossis Askiv: 1-888-VE-Y-VOTA**
- **Cov lus Esxias lossis Askiv: 1-888-API-VOTE kuj muaj lus Suav Mandarin, lus Suav Cantonese, lus Kaus Lim, lus Nyab Laj, Tagalog, Urdu, Hindi, Bengali/Bangla, thiab Punjabi**
- **Lus Arabic lossis Askiv: 1-844-YALLA-US**